

უკანონო მიგრაციის პრევენციის კამპანია

თავშესაფრის უსაფუძვლო მოთხოვნა
ჩიხში შეგიყვანს

აირჩიე მხოლოდ კანონიერი გზა ევროპისკენ



www.informedmigration.ge



თუ აპირებ თავშესაფრის მოთხოვნას ევროკავშირის წევრ რომელიმე ქვეყანაში, მაგალითად ბელგიაში, ან უბრალოდ ევროპაში გამგზავრებას ფიქრობ, ეს ფლავერი შენთვის არის. აქ წარმოდგენილია მხოლოდ შენთვის აუცილებელი ინფორმაცია და თავმოყრილია სარწმუნო წყაროები. ნუ მიიღებ ნაჩქარევ გადაწყვეტილებებს, რადგან ხშირად დიდი მოლოდინი მწარე რეალობით იცვლება.

თავშესაფრის მოპოვების პროცედურები ეფუძნება გაერთიანებული ერების ორგანიზაციის 1951 წლის კონვენციას „ლტოლვილთა სტატუსის შესახებ“. აღნიშნული კონვენციის მიხედვით, ლტოლვილის სტატუსი შეიძლება მიენიჭოს პირს, ვისაც „აქვს საფუძვლიანი შიში, რომ შეიძლება გახდეს დევნის მსხვერპლი რასის, რელიგიის, აღმსარებლობის, ეროვნების, გარკვეული სოციალური ჯგუფისადმი კუთვნილების ან პოლიტიკური შეხედულებების გამო და არ შეუძლია, ან არ სურს, ამგვარი შიშიდან გამომდინარე, დაბრუნდეს თავისი წარმოშობის ქვეყანაში ან ისარგებლოს ამ ქვეყნის მფარველობით.“ თავშესაფრის სისტემით ბოროტად სარგებლობის შემთხვევათა შემცირებისათვის ევროკავშირის ქვეყნები ცდილობენ, უფრო შემჭიდროვებულ ვადებში განიხილონ მიღებული განაცხადები, რათა შეამცირონ სტატუსის მინიჭებისათვის საჭირო პროცედურების დრო. იმის გამო, რომ საქართველოს მოქალაქეებს არ აქვთ საკმარისი ინფორმაცია თავშესაფრის სისტემის მიზანსა და მოთხოვნებზე, მათი განაცხადები სტატუსის მინიჭების თაობაზე ხშირ შემთხვევებში არ შეესაბამება რეგულაციებით დადგენილ ნორმებს.

სოციალურ-ეკონომიკური პრობლემები, უმუშევრობა ან პროფესიული განვითარების ხელშეწყობა არ შეიძლება იყოს თავშესაფრის მოთხოვნის საფუძველი

თავშესაფრის მოთხოვნის მცდარი ან არასწორი მიზეზით შეტანილი განაცხადი უარყოფითი გადაწყვეტილების საფუძველი ხდება



დარწმუნებული ხარ, რომ საქართველოში დევნის საფუძვლიანი შიში გაქვს, რომ შენს სიცოცხლეს საფრთხე ემუქრება, რომ შეიძლება გახდე წამების ან სიკვდილით დასჯის მსხვერპლი?

გაითვალისწინე, თავშესაფრის მოთხოვნის განაცხადის ნამდვილობას ამოწმებს ექსპერტთა ჯგუფი, რომელიც აქტიურად ადევნებს თვალ-ყურს პოლიტიკურ და ადამიანის უფლებების დაცვასთან დაკავშირებულ მოვლენებს საქართველოში

თავშესაფრის მოთხოვნის განაცხადზე უარყოფითი გადაწყვეტილების მიღების შემთხვევაში, თუ ნებაყოფლობით არ დაბრუნდები, ქვეყანას იძულებით დაგატოვებინებენ

მოლოდინი:

აფხაზეთიდან დევნილი ვარ. გავიგე, ევროპაში ჩემი სტატუსის ადამიანებს ადვილად აძლევენ თავშესაფარს. ტურისტული ვიზისთვის ფულს ვისესხებ და გავემგზავრები. იქიდან ცოლ-შვილსაც დაგვხმარები."

რეალობა:

"თურმე დევნილის სტატუსი უპირატესობას არ განიჭებს . . . გავასაჩივრე კიდევ, მაგრამ უშედეგოდ. უკან უნდა დაგბრუნდე. წარმოდგენა არ მაქვს ამდენი ვალი როგორ უნდა გადავიხადო."

ლევანი, 38 წლის, ბუკდინი

თავშესაფრის ძიება ევროკავშირის ქვეყნებში, მაგალითად ბელგიაში

ევროკავშირის წევრმა ქვეყნებმა შეიმუშავეს თავშესაფრის ერთიანი სისტემა, ისინი იზიარებენ ფუნდამენტურ ღირებულებებს და აქვთ თავშესაფრის მოთხოვნის საკითხისადმი საერთო მიდგომა: თავშესაფარი ეძლევა მას, ვისაც აქვს საკუთარ ქვეყანაში დევნის ან სერიოზული ზიანის მიღების საფუძვლიანი შიში და ამის გამო საჭიროებს საერთაშორისო დაცვას.

ევროკავშირის რომელიმე წევრ ქვეყანაში, მაგალითად ბელგიაში, თავშესაფრის მოთხოვნაზე შენი განაცხადი შესაძლოა **უსაფუძვლოდ** ჩაითვალოს, თუ მიუხედავად იმისა, რომ არ გაქვს დევნის საფუძვლიანი შიში შენს ქვეყანაში, ლტოლვილის სტატუსს შემდეგი სახის მიზეზების გამო ითხოვ:

- მძიმე სოციალური და ეკონომიკური პირობები, უმუშევრობა
- იძულებით გადაადგილებული პირის სტატუსი
- ეთნიკური წარმომავლობა
- აღმსარებლობა ან პოლიტიკური შეხედულებები
- სექსუალური ორიენტაცია ან რომელიმე სოციალური ჯგუფისადმი კუთვნილება



წყარო: თავშესაფარი ბელგიაში. საინფორმაციო ბროშურა თავშესაფრის მაძიებელთათვის ბელგიაში თავშესაფრის პროცედურების და მიღების შესახებ

საქართველოს მოქალაქეთა უმრავლესობა ბელგიაში თავშესაფრის მოთხოვნის საფუძვლად სამშობლოში ეკონომიკურ სიდუხჭირეს, უმუშევრობას და სხვა სოციალურ პრობლემებს ასახელებს. ძირითადად მათი თავშესაფრის მოთხოვნის განაცხადები წარუმატებელია.

თავშესაფრის მოთხოვნის მიზნით შეტანილი განაცხადის შეფასება ხდება ექსპერტთა ჯგუფის მიერ, რომელიც აქტიურად ადევნებს თვალ-ყურს პოლიტიკურ და ადამიანის უფლებებთან დაკავშირებულ მოვლენებს საქართველოში ან ნებისმიერ სხვა წარმოშობის ქვეყანაში.

თუ თავშესაფრის მოთხოვნის განაცხადზე უარყოფითი პასუხი მიიღე და ნებაყოფლობით არ დაბრუნდები, ქვეყანას იძულებით დაგატოვებინებენ.

აირჩიე მხოლოდ კანონიერი გზა ევროპისკენ. ნუ გამოიყენებ თავშესაფრის პროცედურებს არაკანონიერი მიზნებისთვის.

ადგილსამყოფელი თავშესაფრის მოთხოვნის განხილვის პერიოდში

ევროკავშირის წევრ ქვეყნებში თავშესაფრის მოთხოვნის განხილვის პერიოდში კოლექტიურ მისაღებ ცენტრში იცხოვრებ. მაგალითისთვის, ბელგიაში თავშესაფრის მოთხოვნის განაცხადის განხილვის პერიოდში, შესაბამის ორგანიზაციებს ნებისმიერ დროს უნდა შეეძლოთ შენთან დაკავშირება.

როგორც წესი, შენი განთავსება მოხდება მისაღებ ცენტრში, სადაც სხვადასხვა ეროვნების, რელიგიის და ასაკის ადამიანებთან ერთად იცხოვრებ. აქ მხოლოდ შენი ძირითადი საჭიროებების დაკმაყოფილებაზე იზრუნებენ, "საწოლი, შხაპი, პური". ცენტრში ცხოვრების პერიოდში გარკვეული წესების დაცვა მოგეთხოვება. გაითვალისწინე, რომ შენთან ერთად მისაღებ ცენტრში იცხოვრებენ ადამიანები, რომლებიც ისეთივე სტრესის ქვეშ იმყოფებიან, როგორშიც შენ აღმოჩნდები.



ცენტრში ყოფნის პერიოდში ნებისმიერ დროს შეგიძლია გადაწყვიტო შენს ქვეყანაში ნებაყოფლობით დაბრუნება. ადამიანები, რომლებიც ირჩევენ ნებაყოფლობით დაბრუნებას, განსაზღვრულ დახმარებას იღებენ. თავშესაფრის მოთხოვნის განაცხადზე უარყოფითი გადაწყვეტილების შემთხვევაში, თუ სამშობლოში არ დაბრუნდები, დანიშნულების ქვეყნის მთავრობას შეუძლია შენი გაძევება.



მოლოდინი:

"წასვლამდე გაგყიდე "მარშრუტკა", დაგხურე ბიზნესი და ცოლ-შვილთან ერთად ბელგიაში გაგემგზავრეთ. დარწმუნებულები ვიყავით სამი ბავშვით იქ ჩასულებს თავშესაფარზე უარს არაგინ გვეტყოდა..."

რეალობა:

ვერ ვხვდები რისი იმედი მქონდა. ერთი კვირის წინ დაგბრუნდით. ყველაფერი თავიდან უნდა დაგინწყოთ."

მიხეილი, 36 წლის, ქუთაისი

მოლოდინი:

"ჩემი კარიერული ზრდისთვის მივდივარ ევროპაში. თავშესაფარს მოვითხოვ. ასე უფრო მოვიკიდებ ფეხს. მუშაობასაც დავიწყებ . . . იქ უფრო მეტი შესაძლებლობებია ..."

რეალობა:

"გერმანიამ ლეგენდამ ვერ მიშველა . . . ინტერვიუ სტრესული გამოდგა . . . ჩვენი ქვეყნის შესახებ ყველაფერფარგად იციანნებაყოფლობით დაბრუნებაზე უარი ვთქვი, რამაც ყველაფერი უფრო გაართულა. სიმართლე რომ გითხრათ, საქართველოში ჩემს ყოფას არ ვემდური. წარმოდგენა არ მაქვს რისთვის ჩავიგდე თავი ასეთ განსაცდელში ..."

თამარი, 28 წლის, ბათუმი

უკანონო მიგრაცია ევროკავშირში

ევროკავშირში არაკანონიერად ცხოვრება უამრავ სირთულესთანაა დაკავშირებული. თუ სათანადო დოკუმენტები არ გაქვს, გაგიჭირდება სამსახურის პოვნა, ბინის დაქირავება, საგანმანათლებლო დაწესებულებაში ჩარიცხვა და ჯანდაცვის მომსახურებით სარგებლობა. სამართალდამცავი ორგანოების მიერ არაკანონიერი მიგრანტის დაკავების შემთხვევაში, სამშობლოში დაბრუნებამდე ის ხვდება მიგრანტთა დროებითი განთავსების ცენტრში. ევროკავშირის წევრ ქვეყნებში მიგრაციის საკითხებზე პასუხისმგებელი უწყებები თავშესაფრის მაძიებელთა შესახებ ინფორმაციას ათავსებენ ე.წ. შენგენის ზონის ერთიან საინფორმაციო სისტემაში, რაც, მომავალში ევროკავშირის წევრ სახელმწიფოებში არშეშვების მიზეზი შეიძლება გახდეს.

**მიიღე ინფორმაცია სავიზო პროცედურების შესახებ.
საქართველოს მოქალაქეებისთვის ჯერ კიდევ მოქმედებს
სავიზო რეჟიმი ევროკავშირის ქვეყნებთან**

ნუ გამოიყენებ თავშესაფრის პროცედურებს არაკანონიერი მიზნებისთვის

**არაკანონიერი მიგრანტები შეიძლება შრომითი
ექსპლუატაციის საფრთხის წინაშე აღმოჩნდნენ**



მოლოდინი:

"პროფესიით კონდიტერი ვარ. შესაბამისი სამუშაო გამოცდილებაც დავაგროვე. ამჟამად სამუშაო კი მაქვს, მაგრამ მინდა რაიმე ახალი ვცადო. ინტერნეტით ბელგიაში ვაკანსია ვიპოვე . . . მართალია პროცედურას რამოდენიმე თვე დასჭირდა, მაგრამ უკვე დამსაქმებელმა მუშაობის ნებართვა გამომიგზავნა და სამუშაო ვიზის მისაღებად განაცხადიც შევიტანე. თან ენის კურსებზე დავდივარ ... "

რეალობა:

"ხუთი თვეა რაც აქ ვარ და ვმუშაობ. იმაზე უკეთესი პირობები დამხვდა, ვიდრე მოგელოდი. ოჯახი მენატრება, მაგრამ საახალწლოდ შვებულებას ვიღებ, სახლში ჩავალ და ვნახავ ჩემებს."

მანანა, 24 წლის, თბილისი


ევროკავშირში მიმოსვლა

ამჟამად ევროკავშირის წევრ ქვეყნებში, მათ შორის ბელგიაში, კანონიერად შესასვლელად საქართველოს მოქალაქეებს ესაჭიროებათ ვიზა.

წინასწარ მიიღე ინფორმაცია იმ ქვეყნის სავიზო პროცედურების შესახებ, სადაც აპირებ გამგზავრებას. უფრო დეტალური და ამომწურავი ინფორმაციისთვის მიმართე საქართველოს საგარეო საქმეთა სამინისტროს ოფიციალურ ვებგვერდს. ასევე, შეგიძლია დაუკავშირდე იმ ქვეყნის საელჩოს/საკონსულოს, სადაც პირველად გეგმავენ ჩასვლას. ევროკავშირის ქვეყნებში კანონიერად შესვლა შესაძლებელია მხოლოდ ოფიციალური სასაზღვრო პუნქტის გავლის შემდგომ. ამ მიზნით, თან უნდა იქონიო:

- მოქმედი სამგზავრო დოკუმენტი
- ჯანმრთელობის დაზღვევა, რომელიც ფარავს ევროკავშირში ყოფნის პერიოდს
- საცხოვრებელი ადგილის დამადასტურებელი დოკუმენტი
- მოკლევადიანი ვიზა (თუ 3 თვეზე მოკლე დროით აპირებ ევროკავშირში დარჩენას)
- გრძელვადიანი ვიზა (თუ 3 თვეზე მეტ ხანს აპირებ ევროკავშირში დარჩენას)
- ვიზიტის მიზნის დამადასტურებელი დოკუმენტი
- მტკიცებულება, რომ გაქვს საკმარისი ფინანსური სახსრები მოგზაურობისთვის და სამშობლოში დასაბრუნებლად

ევროკავშირთან უვიზო რეჟიმის შესაძლო ამოქმედების შემდეგ საქართველოს მოქალაქეებს ვიზის გარეშე, წინასწარ განსაზღვრული მიზნებით, მხოლოდ მოკლევადიანი ვიზიტების განხორციელება შეეძლებათ, რაც გულისხმობს, 90 დღის ნებისმიერი 180 დღის განმავლობაში.



უვიზო რეჟიმი არ გაძლევს ბელგიაში და ევროკავშირის/შენგენის სხვა წევრ სახელმწიფოებში არც გრძელვადიანი ვიზიტების და არც მუშაობის უფლებას.

უვიზო მიმოსვლა არ ნიშნავს საქართველოს მოქალაქეებისათვის თავშესაფრის გამართვებულად მიღებას ევროკავშირში.

სასარგებლო საინფორმაციო წყაროები და ბმულები

საქართველოს საგარეო საქმეთა სამინისტრო

- საკონსულო ინფორმაცია:

<http://mfa.gov.ge/MainNav/ConsularInformation/VisaInfoGeorgian.aspx>

- სავიზო ინფორმაცია : <http://mfa.gov.ge/visa-free-guide.aspx>

ევროკავშირის დელეგაცია საქართველოში

- სავიზო ინფორმაცია:

http://eeas.europa.eu/delegations/georgia/travel_eu/visa/index_ka.htm#

საქართველოს მიგრაციის საკითხთა სამთავრობო კომისია

- „ლეგალური ემიგრაციის გზამკვლევი“

http://migracion.commission.ge/files/small__emigraion_eng.pdf

- ინფორმაცია ლტოლვილებსა და თავშესაფრის მაძიებლებზე:
http://migration.commission.ge/index.php?article_id=19

ბელგიის თავშესაფრის მაძიებლების მიმღები ფედერალური სააგენტო:

<http://fedasil.be/en/content/asylum-procedure>

ლტოლვილთა და მოქალაქეობის არმქონე პირთა გენერალური

კომისარტი: <http://www.cgra.be/fr>

თუ გაქვს შეკითხვები ან გჭირდება დახმარება, დარეკე **IOM-ის ცხელ ხაზზე (+995 32) 2 91 34 61** ორშაბათიდან პარასკევის ჩათვლით 09:00 - 17:00. ზარი უფასო და ანონიმურია.

ასევე შეგიძლია დაგვიკავშირდე Skype-ით: **iomsafemigration** ან მიიღო ონლაინ კონსულტაცია ჩვენს ვებგვერდზე www.informedmigration.ge

თუ ბელგიიდან ნებაყოფლობით დაბრუნებაზე ფიქრობ, დაუკავშირდი **IOM-ს**

ბელგიაში: <http://avrr.belgium.iom.int/en/contact/iomcontact/list.html?oneview=list>

ჩვენი კამპანიის სიახლეებს გაეცანი ჩვენს Facebook გვერდზე:
Stop Irregular Migration



უკანონო მიგრაციის პრევენციის კამპანია

თავშესაფრის უსაფუძვლო მოთხოვნა
ჩიხში შეგიყვანს

აირჩიე მხოლოდ კანონიერი გზა ევროპისკენ



www.informedmigration.ge

